

## Tugliat Tuyuutaiñ John-um

<sup>1</sup> Uvaña John ukpiqtuanuruat qauklinich, tuyuqtuna aḡnamun Agaayyutim piksraq-taagikkañanun suli qitungañiñun piqpagikkamnun ilumun. Uvañahiñaunitchuna piqpaksriruanaa, aglaantuuq iluqatiñ tamatkua ilisimaruat ilumutuuruamik piqpagipmigaasi. <sup>2</sup> Piqutigiplugu ilumutuuruuq uvaptikni ittuaq suli itkisipluni qañapak taimuna. <sup>3</sup> Uvvatuq Agaayyutim Aapauruam suli Jesus Christ Aapam Iḡñiñan iluaqqutillañiaḡilisik suli ilunḡugilusik tutqiksilituglu ilumutuuruakun suli piqpaksriḡikun.

### *Ilumutuuglu Piqpakkunlu*

<sup>4</sup> Uvaña quviatchallapiaqtuna atakkii ilitchuḡigiga ilañich qitungavich iñuuniahat ilumutuuruakun, maligutlugu Agaayyutim Aaparuam tillisaa uvaptiknun. <sup>5</sup> Aasiñ, aḡnaaq, aglañitchuna nutaamik tillitmik ilipnun aglaan taavrumiña pigikkaptiknik aullaḡniñhaniaḡlaan. Inḡikpiñ uumiña, uvagut piqpakkutiruksaurugut avatmun. <sup>6</sup> Taamna piqpaksriḡiq uqautigikkaḡa itnautauruq: Iñuuniaqtuksaurusi tupiksriḡikun Agaayyutim tillisaiñik tusaakkapsitñik aullaḡniñhaniaḡlaan. Atakkii ilaan tiligaatigut iñuuniaqupluta piqpaktakun.

<sup>7</sup> Iñugiaktuat kinnirit tikitchut iñupayaanun uqaqaqtuat nalupqinaiqhutiñ Jesus Christ-mik

timiqaŋiññiplugu. Taatnatchich iñuich kinniraurut sulii akilliliqsuqtaurut Christ-mi. <sup>8</sup>Qaunagisitchi ilinjitñiñ. Tavra tammaiŋitchumaiksi savaagikkaqsi aasiiñ Agaayyutim akiligisigaasi inuŋaiglugu. <sup>9</sup>Kisupayaaq simmiiruaq ilisauttutaiñik Christ-ŋum piqatauŋitchuq Agaayyutmi. Taamnaasiiñ tupiksriiruaq ilisauttutaiñik Christ-ŋum piqatauruq Aapauruamiŋu sulii Igñiguruami. <sup>10</sup>Kiñaliqaa utlautikpan ilipsitñun quliaqtuaqaŋilluni Christ-ŋum ilisauttutaiñik tukkuliqñagu tupiqnun naagaqaa ilaliñagu. <sup>11</sup>Atakkii kisupayaam paŋlagumiŋ kinniri piqasiqñiaŋaa pigiitchuakun savaaŋagun.

### *Aqulliich Iłammiuŋutit*

<sup>12</sup> Uqaksraukkaŋaluaqtuŋa aglaan uqautigisuŋitkitka ukunuuna tuyuutitigun, aglaan taamuŋaguktuŋa ilipnun uqaqatigilutinaasii. Quviasuutigillapiagayagikpuk.

<sup>13</sup> Qitunŋaŋisa aŋnam aniqatvich Agaayyutim piksraqtaagikkaŋiñ tuyuŋaatin nayaanŋaŋmik.

